

## Maandobiigan

Zhiwe owi [Gaashpinajigejig Ginowenjigaaziwaad Zhichige Inaakinigewin](#), owi Anookiiwin nakiiwog awii naadmaagewaad miinwaa gagaandinaa-aad Canadians owi bimiikamowaad owi Waasamo-asabi biindigewesingh, bemiwijigaadeg giigido biiwaabikoons, e'skaabiiginigaadeg giigido biiwaabikoons, miinwaa masinaatesijigan (maamowin newen, wiindamaagewinan) zhichigewin maagwejjig.

Owi Anookiiwin megwaa tenoon niiwin gaashpinajigejig gindaasowinan awii naadmaagemigag zhinomaagewin newen wiiijaabitaadiwinan biitwi maagwejjig newen wiindamaagewin zhichigewinan miinwaa ado giishpinajigejig. Ninda gindaasowinan dowendaagidon newen e'skaabiiginigaadeg giigido biiwaabik nikaaziwinan (owi [Zhoonyaa Taasijigaadeg miinwaa Gidiscaabiiginigaadeg Gindaasowin](#)), iskaabiiginigaadesing giigido biiwaak zhichigewin (owi [Iskaabiiginigaadesinag Gindaasowin](#)), mazinaatesijigan zhichigewinan, dibishko gonaa mazinaatesijiganeyaab zhichigewin (owi [Mazinaatesijigan Zhichigewin Maagwed Gindaasowin](#)), miinwaa Waasamo-Asabi Mazina-igan zhichigewinan (owi [Waasamo-asabi Mazina-igan](#)) [maamowi newen Gindaasowinan]. Owi Anookiiwin onji Baataawewin onji Giigido Biiwaabikoon-mazinaatesingh Zhichigewinan Inc. (CCTS) bimiikaan miinwaa nikaazanan newen Gindaasowinan awii naadmaagemigag gaashpinajigejig baataawewinan.

Newen Gindaasowinan naadmaagemigad nigaasijigaadeg Canadians onji debinamiwaad geskina miinwaa dinenjigaadesinag ombishkaag nigo-giizis mazinigewinan, age ezhinikaadeg mazinigewin ishkonweziwin, miinwaa woshme wenipanad gewe gaashpinaajigejig awii nisastamiwaad ado inaabijikaaziwin gwayakondiwinan miinwaa meshkosidoongh maagwejjig. Owi Anookiiwin ado naagizowaabmjigan agii waabmdowemigad newen Gindaasowinan agii miigwemigad owi woshme nishingh gaashpinajigejig izhiwebiziwin gewe inaabijikaazowin maagwejjig. Dash wiigwa, zaam newen Gindaasowinan agii zhisijigaadenon nowonj apii miinwaa zhiwe nowonj bkaan ezhiwebak, newen gaashpinajiged ginowenjigewin gaawii naasaab aawizinon aazhawi wiindamaagewin zhichigewinan, aanowi gwa niibna Canadians giishpinadonaa-aa zhichigewinan aawongh maamwisingh. Maanda adaa gwiiniwinendaagwod gewe gaashpinajigejig miinwaa bimiikigaadeg zinagag gewe zhichigewin maagwejjig miinwaa owi CCTS awii biminizhimowaad.

Zhiwe maanda inaakinigewin, owi Anookiiwin ginowaabmdaan awii ozhitowaad owi gaashpinajigejig ginowenjigewin newen wiindamaagewin zhichigewinan woshme mazhishiwong miinwaa woshme naasaab ayaawong owi maandosijigaadeg newen owi maamowisingh Gindaasowin (owi [Gaashpinajigejig Ginowenjigaaziwaad Gindaasowin](#)), epiichi naazhinigaadeg bimiikigaadeg zinagag. Owi digosingh maanda inaakinigewin, owi Anookiiwin ada ayaanaan owi bemaadizijig bazindaajigewin odi Gatineau, Quebec, maajitaamigag 30 Baashkaakodin-giizis 2026.

Awii zhinomaagaaziwaad misendamajig bemaadizijig awii miigwewaad dinendamowiniwaan, owi Anookiiwin agii digosidoon owi Gaashpinajigejig Ginowenjigewin

Gindaasowin Enkiitaagaadeg Mazinigan zhiwe Aankesijigan 1 zhiwe maanda wiindamaagewin. Owi nendamam awii miigwengh owi gnimaa gikonowaabnjigan onji owi maamowisingh Gindaasowin miinwaa awii maajiishkaachigaadeg dibaajimowin miinwaa dazhinjigewin. Owi moshkin naabidesingh gagwedwewinan adaa makigaadenon zhiwe Aankesijigan 2 zhiwe maanda wiindamaagewin. Giikendamowin owi nikiiwaa awii wiiijii-eyin zhinda manda inaakinigewin maage miigwewin ezhi waabmjigeyin zhiwe owi [CRTC Dinaangidoniwinan](#) waasamo-asabi biiwaabik wiidokaaziwin temigag makigaadeg zhiwe owi [“Wegonesh nendowendaagwog aawii gikendaman awii wiiijyaayin zhiwe maanda inaakinigewin”](#) bakebiigan maanda wiindamaagewin.

Ishpendaagwog gikendamowin onji maanda wiindamaagewin temigad owi Mazininigaadeg Kidiwinan (ASL) miinwaa Langue des signes québécoise (LSQ) zhiwe owi Anookiiwin ado waasamo-asabi mazinaatesingh. Owi Anookiiwin ada daapinaanon mazinaatesingh nanaaginiwinan owi ASL miinwaa LSQ onji maanda inaakninigewin

Owi maandobiigan maanda gagwedwewin temigad zhiwe newen eni zhibiigaadeg iniwewinan: Anishinaabemowin (Eastern miinwaa Western Ojibwemowin), Dëne Sųtıné (Chipewyan), Innu-Aimun (Innu), Michif, Mikmaq (Mi’kmawi’simk), Plains Cree (paskwâwinîmowin), miinwaa Qikiqtaaluk nigiani (South Baffin Inuktitut). Misendamajig bemaadizijig ada age miigwena-aan nanaaginiwinan zhinda ninda iniwewinan.